

Pyaar Kā Ahad

Taurait : laadā 7:9-12, 8:1-5

Musā^(a.s) ne logon se kahā, “Yaad rakho ki Allaah rabbul azeem sirf ek hī hai. Wo apne kare hue waade ko hameshā purā kartā hai aur apne kie hue ahad ko hazaar naslon tak yaad rakhtā hai. Wo ye sab un logon ke liye kartā hai jo usse mohabbat karte haiñ aur uskā kahnā maante haiñ.⁽⁹⁾ Lekin jo log Allaah taa’alā se nafrat karte haiñ wo barbaad kar die jaate haiñ kyun ki wo unko sazā dene me hichakichaata naheen hai.⁽¹⁰⁾ Isle khyaal rakhnā ki uske hukm aur uslon ko maano jo main āj tumheñ batā rahā huñ.⁽¹¹⁾ In qaanulon par ġaur karo aur in par dhyaan se amal karo, tabhī Allaah taa’alā apne ahad ko yaad rakhegā jo usne tumhaare baap-daadā se kiyā hai.⁽¹²⁾

8:1-5

[Phir Musā^(a.s) ne un se kahā,] “Dhyaan se har hukm par amal karnā jo main tumko batā rahā huñ, tabhī tum log barkat paaoge. Tum tabhī us zameen ke maalik ban sakoge ki jis kā waadā Allaah taa’alā ne tumhaare buzurgon se kiyā hai.⁽¹⁾ Yaad rakhnā ki Allaah taa’alā ne kis tarah chaalees saal tumheñ registaan me bhatkaayā aur tumhaare ġurur ko khatm kar diyā. Usne tumhaarā imtihaan liyā taaki wo tumheñ parakh sake. Allaah taa’alā jaannā chahtā thā ki tum uske hukm par amal karte ho yā naheen.⁽²⁾ Usne tumheñ narm karne ke liye tumheñ bhukh kā ehasaas dilaayā aur phir khaane ke liye mann^[a] naamak ek āsmaanī rotī dī. Mann ek aisā khaanā thā jo tumne aur tumhaare baap-daadā ne nā kabhī dekhā thā aur nā hī kabhī sunā thā. Is tarah se, Allaah taa’alā ne tumko sikhaayā ki insaan sirf rotī se naheen zindā hai balki Allaah taa’alā ke har kalaam me zindagī hai.⁽³⁾

“In chaalees saalon me, nā hī tumhaare kapde phate aur nā hī tumhaare pairoñ me sujan āī.⁽⁴⁾ Tum apne dilon me ye baat baiṭhā lo ki jis tarah ek baap apnī aulaad kī ġaltiyāñ sudhaartā hai usī tarah se Allaah rabbul azeem ne tum logon ko bhī sudhaarā hai.”⁽⁵⁾

[a] Quraan Majeed : Al-Baqarah 2:57